

DIAGNOSES D'UN NOUVEAU GENRE

ET DE

Deux espèces nouvelles de Staphylinides de France,

Par M. FAUVEL.

(Séance du 28 mai 1862.)

I. Genus ARENA. — Corpus parvum, elongatum, lineare, depressum. Caput magnum, thoracis latitudine, minimè posterius coartatum. Maxillæ mala interiore intus spinulis vix circà basin longioribus ciliata. Ligula subelongata, integra. Paraglossæ vix prominentes. Mentum subtransversale, antice sinuato-emarginatum. Palpi labiales triarticulati, sicut in genere *Leptusa*. Antennæ capite thoraceque brevioribus, articulis tribus primis elongatis. Prothorax quadratum, subtransversale, angulis rotundatis. Elytra hoc non latiora, paulò longiora. Abdomen parallelum, minimè circà basin angustatum. Tibiæ omnes in utroque sexu densè longèque ciliatæ. Tarsi antiqui quatuor, posteriores 5-articulati, postici articulo primo elongato, ferè dimidia parte longiore. — *Arena*, nomen mythologicum.

Characteres sexuum non extrinsecus apparentes.

Ad hoc genus, *Phytoso* Curt. et *Leptusæ* Kraatz affine, pertinet una sequens species :

A. OCTAVII. — Brunneo-testacea, nitidula, aureo-pubescens, capite brunneo, crebrè subtiliter punctato, abdomine toto nigro, parcè subtilissimè punctulato, apice rufo-testaceo ; thorace quadrato, angulis obtusè rotundatis, disco lineâ tenui mediâ impresso ; elytris hoc paulò longioribus. — Long. 1 3/4 mill.

In normannis littoribus, primo vere, sublapidibus rara habitat. — Facie quasi *Phytosus balticus* Kr. videtur.

II. OXYTELUS OCEANUS. — Niger, subnitidus, thorace paululùm, elytris piceis, antennis, palpis, pedibusque rufulis, mandibulis medio rufis, capite parcè fortiter quasi striatim, fronte densè subtilissimè punctatis, thorace obsoletè trisulcato, lateribus minimè crenatis, parcè fortiter striatim punctato, elytris confertim punctato-strigosis, circà scutellum infuscatis, abdomine subtilissimè punctulato. — Long. 3 1/2 à 4 mill.

Mas sexto inferiore abdominali segmento medio apice bi-tuberculato, septimo maximè arcuato, latere profundè sinuato.

Oxytelis inusto Grav. et *Perrisii* Fauvel intermedius.

Habitat frequens mense martio præsertim sub lapidibus littoris, arenâ in fossis circà Olmæ ostium (Normanniâ).
